



啟雋類函近二十六之七




漢書門類			
四	八	二	一
冊	架	函	號

內閣文庫			
三	二		漢
冊	冊		書
四	四		
冊	冊		
六	八		
架	冊	號	類

內閣文庫			
番號	漢	11439	
冊數	43 (18)		
函號	364	52	






啓雋近體卷二十六

類函三十八

天官部一



東吳俞安期美長彙編
上饒王嗣經曰常同輯
侯官曹學脩能證訂定

尚書初拜

賀吏部張尚書啓

宋周必大

寵錫綸言峻登文部任隆常伯獨專四選之權班冠
從臣尤爲六官之長雖還舊物寔茂新恩恭惟某官
學粹而文高氣和而節勁早登禁路惓惓形憂國之
言久歷藩方疊疊盡愛民之意旣宸心之妙簡亦興

論之素亭雖告歸力上於囊封而趣召屢頒於邦渙
游神琳館進讀金華數朝士於貞元春風屢改得世
臣於故國喬木猶存方將倚重於股肱茲用假途於
喉舌稽諸周制天官同家宰之名參以唐規政府總
吏銓之事惟時重任屬我老成某久託餘輝逃聞異
數顧阻伸於慶札寔倍激於歡悰

賀吏部賀尚書啓

宋周必大

光奉替書峻躋常伯事叢任重寔通四選之權地近
班高獨處六曹之長者英登進遠邇歡傳恭惟其官
學際道真才周王佐秉資和裕如春風醇醪之可親

遇事激昂真烈日嚴霜之難犯脩名早立要路久登
雖中年自樂於燕閒而堂丁不忘於簡注比開公道
取列禁塗議禮秩宗明春卿之舊典升華瑣閱振夕
拜之頽風榮紬石室之書入勸金華之講賀公兩命
既遠繼於家聲其茂十官宜游承於帝渥粵從衆望
擢冠邇聯惟茲典選之除自昔奮庸之漸周書分職
列冢宰於天官唐制任人兼史銓於相府行參大政
用協前規其猥預郎潛寔依河潤屬和門之總賦阻
賓閣之望塵欣頌于中敷陳奚究

賀時宰啓

宋蘇軾

伏審光膺考慎峻陟宰司乎號揚廷士識上心之所
尚置郵傳命人知聖澤之將流靡不欣愉至於鼓舞
恭以某官直方以大廣博而良進以正而正邦異乎
求以求政貫六經百子之學煥三代兩漢之詞昂稟
自殊偉蕭侯之八尺斗南莫競凜梁公之一人加以
絕識見微曠度舉遠材無不可範而成也譬泥之在
鈞俗無不可易而善也猶風之靡草豈繫踈迹所獨
詠歌惟民罔知合語則聖顧此民逢此日之何幸謂
吾相勸吾君以愛人歡聲格於九天乖氣消於萬彙
伏念某遭時休明賦命衰薄蚤粗蒙於遴選比久壘
於退藏天雨何私笑流行之木偶滄溟不改嘆自蕩
之波臣重以傾歲周旋竊嘗撰屢未塗流落無復掃
門豈賴補息剗黥彫污糞朽出部見日去盆望天悵
末力之將殫愧明恩之莫報乃利用安身之何有儻
奉法循理之可為民社非輕猶承宣而惴惴天淵靡
外亦矣躍以欣欣

賀陳尚書除吏部尚書仍兼內翰啓

宋李 劉

峻長六卿增崇八座惟王有成績紀于日月之常命
汝作納言引此星辰之履仍專齎禁增重雞翹恭惟

某官學咀道真器涵天粹絕識洗空於萬馬全材立
解於千牛積江漢經營之勞有河山帶礪之烈允文
允武立德立功還頗牧於禁中悍卒回心於讀詔講
唐虞於瓊上頑民聽命於舞干茲膺典選之升始是
奮庸之漸文昌垂象實為上將上相之躔武帳前龜
行有為保為師之命暫煩長文制九品之任行見曲
逆遂萬物之宜其未解潛水正馳驛路聞尚書之踐
台斗或垂念於孤槎聽散人之在江湖早歸身於三
徑

賀樓尚書兼內翰啓

詔起
吏部

宋李廷忠

秩冠上卿職參內相曩也忤權豪而去國久從香山
綠野之勝遊今焉徵耆哲以還朝復尋紫極清霄之
故步衣冠傾屬號令增明恭惟某官濟瀆巨航過都
逸駕韓愈為倡而唐文變掃百氏之糠粃孟軻好辯
而孔道明開一時之尊賢以自重任諸已以至難責
其君適際昌熙徧儀清切凡大典章大詔令皆大手
之所為欲正風俗正紀綱獨正身而不屈逆知小人
萌亂邦之漸未免君子懷在野之憂進剴切之數百
言甘閒退者十五載斷不能回面汗行為諂諛之事
真所謂拔俗出塵有耿介之操日月劃然而昭彰風

雲翼乎其興起玠方濤識如天欲平治我其舍哉周
誥商盤非老於文學誰宜為者上星辰之履聲如舊
破滄浪之筆力未衰人之鑑衡物其鼓舞枕斗魁深
玉署既聯兩禁之華盤篆字垂金科佇立三堦之表
某汚茵故吏負弩賤官方墮身窮僻之巖幾削迹高
堅之仞聞公起家之拜慰我憂國之心誦五色詔之
訓辭亦思感奮與一字題之啓事庶免棄沈情激於
中言宣莫既

賀王吏書啓

宋李 劉

召還瑣闥資論駁之清規擢進銓曹付品題之重柄
一紆印綬萬集簪纓定權稱於胸中逸甄陶於筆下
屬叨英盼倍切歡悰恭惟某官德量涵空神鋒脫穎
坐仙山而直釣掣盡六鼇望阿閣以來集應儀三鳳
白眉難辨赤汗俱高雍容方躡於禁林簡拔即登於
法從旋聞授鉞出試偃藩保釐未著於東郊疆理先
周於南海龍韜浸遠虎帳屢移輟温洛之除書分廣
陵之節帥席猶未暖車已戒行八鸞啣啣詠遙歸於
山甫四牡奕奕歌入覲於韓侯憂百寮鳴珮之音恢
九載望雲之意對揚文陛密契淵衷探公論之盈庭
勞巨儒之典選青錢學士聲華已茂於昔時黑頭尚

唐書類四卷二十一
書班序正聯於今日渭清涇濁韶美鄭淫皆曲盡於
見聞終難欺於去取前馬裴而後盧李豈足擬倫左
稷尚而右臯夔佇觀竝列某久睽恩館窮處瘴鄉慙
教職之無功誤薦章之及格敢投知遇曲借生成瞻
鶴鵠之摩天莫攀迅翼起鸞鳩於控地全賴高風

賀洪內相兼吏書啓

宋周必大

伏審進儀內相仍長中臺夕對金蓮結絲約而承聖
聞晨趨玉笋曳華履而領從官自非無孔氏之四科
安得被賀公之兩命竊以翰林近華蓋素號恭嚴文
昌映紫微是司喉舌自昔法天而分職于今弄印以

掄材繫國名儒應時遴選既兼官之俱稱宜上象之
交輝恭惟某官學富家傳財優天授徧觀流畧豈徒
窮九丘八索之書洞察幾微固已熟六狄五戎之策
帝王之制坦然明白寔揚聞於西垣道德之威成乎
安強亦宣勞於右府式疇九次宜昇殊遷繼處內庭
踵贊皇之勝事竝經常伯掩謝氏之前聞行繇供奉
之班立遙疑丞之列某登門日晚解榻情深費伐求
官方愧旅進於馬牛之走泥姦伸滯遽回便列於鴈
鷺之行曾未叙於感悰會來陪於賀客道古今而譽
盛德非以爲諛衷童服而揖上官是云藉手永言欣

感難罄敷陳

代賀鄭太宰啓

宋張綱

伏審拜恩中陞進位元台凡在陶鎔實深慶抃竊以
 虞刑未措選於衆而舉臯陶商鼎將調求諸野而得
 傳說備見載籍號爲美談然臯陶之術非本於民情
 而傳說之舉不由於師錫坐超迥古允屬聖時恭惟
 某官職照幾先學窮繫表禁林視草知盛德之有言
 樞極運籌見真儒之無敵既延登於揆路實滿慰於
 輿情以舜事堯意其在此維巾及甫茲豈偶然必將
 蓋據胸臆之奇庶幾大慰邇遐之望某側聞誕告實
 副願言徒深賀厦之誠阻與掃門之役永懷欣豫未
 易名言

賀工部類尚書兼吏書啓

宋李廷忠

妙簡儒冠晉居卿長六典六材之竝掌識度深高八
 軌八座之相輝寵榮狎至在朝鮮儷舉國增歡恭惟
 某官山玉淵珠不足以比其珍天規地矩不足以名
 其器超億萬計園橋之衆首以文鳴在八十乘屬車
 之闈入於法從獨擅朝廷詞翰之美上勤天子問學
 之誠以納言代帝言甫新詔渥由起部兼文部益峻
 班行其得君也既專於爲國乎何有必將備器械以

替外攘之策覈才品以建中興之基使武夫悍卒感泣於詔書有偉績豐功登載於史冊凡此重任在公優爲宜敷告於大庭遂延升於上衮某屏居寒巷翹跂崇墻聆出綽之有榮用彈冠而自喜千間莠士幸無凌震之虞一字拔人倘與激揚之末

賀劉尚書啓

宋文天祥

命渙九旒光升雙履風清畫省準繩帝世之百工霜擁仙臺刀尺周官之群吏濡毫綠律拜手紫微恭惟某官吞吐龍湫卷舒鴈蕩清規映日耀西華之金晶直氣摩空屹南都之鐵壁威鳳祥麟之出處慶雲瑞日之文章一疏辨姦少日老泉之氣識十條論事平生小范之精神自填篋堂陞之交而蔽藻帝皇之度獨到古人之未到能言天下之難言爲御史爲諫官張膽論事真舍人真侍講吐辭爲經儒榮方試於一時柄用遍開於九軌乃需三命再命之渥徑通前行後行之班細氈廣厦之席重龍泉文淵之劍二時方艱大公竭論思余安道決邊議於朝廷真工部長蘇子容戒功成於疆場爲史銓師發揮黃旗紫蓋之精靈盡掃枉矢櫓槍之芒角前籌彪炳疊組蟬聯采石江流更展中書之畧海潭沙漲遄符宰相之謠某羈

足馳原阻心賀履文昌星度衣冠徒想於後塵响屨
雲飛草木願濡於今雨鋪陳喙短激躍心長

賀李吏書啓

宋方岳

恭審光奉贊書峻登文部思皇多士聿生綜核之朝
無競維人式董銓衡之選國有公是人能誦言恭惟
某官蔚然臯夔之謨洋乎晁董之對金華勸講非堯
舜之道則不陳玉匱緘辭編詩書之冊而無愧茂昭
帝簡備極儒榮乃顯四選之權獨處六曹之長咸造
在庭而褒爲首已推名世之賢仰惟前代而訓厥官
遡正冢司之拜恭欣傳郵置敢後牋函諒藻鏡之餘

同流電巖之迅矚嗣聞除目庸快夙心

代賀游吏書啓

賀蜀人用方切

宋方岳

伏審渙頒一札晉長六卿尚書古之納言無易瑣闥
之拜治官周之冢宰獨專銓選之權國有人焉才無
遺者恭惟某官洙親傳學妙摘河漢之辭蜀道難於
青天毓此山川之秀故國非有喬木凜乎文獻之尊
上嘗歷數西州之英日孰可與東坡而並歎鶴山其
已矣訊蠶叢之渺然乃得公於草廬之中欲致治於
簡編之盛有謀猷入告于后其談虎觀之經非仁義
不陳於王屢却鸞臺之敕粵從人望擢冠禁塗惟茲

啓集卷四 卷二十六
典選之班自昔奮庸之地舊爲吏部郎前裴馬而後
盧李豈專美於唐賢左稷高而右臯夔佇疇咨於舜
典其逃聞除日坐隅邊頭能世俗書敢覬山濤之啓
事爲朝廷喜竊想鄭崇之履聲遡江以南維斗之北

賀劉尚書兼內翰啓

宋李 劉

入覲龍墀延登螯禁典司翰墨極儒者之榮銓總官
曹高從臣之選矧席薦颺之舊實深慶蹈之懷恭惟
某官行立表儀識周事變材爲時用備文武之靈章
學本家傳恨中庸之至德自結兩朝之眷蚤登四輔
之聯思若湧泉眞鳳閣舍人之選心如止水爲虎符

刺史之師歌袴襦於姑蔑之墟洗甲兵於雲陽之野
功旣成於授鉞命爰錫於賜環北門正內相之除南
部領天官之長玉堂揮翰日觀雲漢之昭回金殿掣
鈴時近天威之咫尺爲命雖資於潤色矢謨實賴於
弼諧豈止發爲文章號禁中之頌收要當諫本仁義
措天下於唐虞佇聞綸綍之頒卽正鈞衡之拜某濫
司戎閫辱在恩闕念步武之相隨荷牙齒之曲借欣
傳除目喜倍常情商律方嚴禁塗多暇幾精調於和
粹式茂對於寵臨

賀劉尚書啓

由兵
書拜

宋林豈塵

簡在宸衷擢司銓部文昌之爲八座均列職於中臺
天官之首六卿實晉班於太宰指紳相慶流品可清
恭惟某官人物一代之英論議諸老之右驅車向西
度邛阪意自許昔爲孝子今爲忠臣奉詔而東過洛
都人皆謂不作諫官必作御史果登霜臺之六察端
長天子之士臣申徽官邪茂明國是復勸露門之講
合峻甘泉之班咨若予工作帝之喉舌其司祈父爲
王之爪牙繼經依咫尺之天積望在彌縫之地維今
四選實昔三銓仕版莫盛於此時孰當任責治人何
有於弊法亡以易公抑賢業歷試而益張豈上意驟
用之不可觀泰階之接武無非啓事之山公佇候路
之持衡復見佐時之伊尹某切聆除目倍喜常情猥
將指於閩中莫賀成於宇下望尚書之履於星辰之
上燁燁其光仰吏部之門如山斗之高惓惓有請

賀頰司空啓

摘錄

宋人

識度采高六典六材竝掌寵榮狎至八碑八座相輝
納言以代帝言甫新渥詔起部而兼文部益峻華階
舉國增歡在朝罕儷千間庇士幸無凌震之虞一字
拔人倘與激揚之末

賀太宰公啓

明葉夢熊

恭惟某官畿輔擅英省曹推重方總持夫樞柄運安
邊安國之猷遂膺任夫鑑衡贊馭吏馭臣之典蓋本
兵嘗掌邦政以均四海而必優矧司馬亦辨官材干
叙九流乎何有疇咨允愜師錫咸孚某曩瞻儀範于
武闈受知最舊茲托甄陶于文部藉庇允新特獻華
箋聊據素悃縉紳歸領袖欣家卿之獨冠仙班黼黻
布經綸喜元老之長恢相業

代賀宋太宰啓

明姜夔

天家顯治特注眷以題才皇路登庸崇賓賢而樹吏
一人簡擢無私百職觀刑有賴恭惟某官名起嵩高
功垂河邈久諧夢松之兆自應取德之祥銓衡群品
而屬低昂斧藻衆流以歸賞鑒庭惟牧馬鄧攸靜簡
希踪閣祗聚書王惠謹嚴方駕已識清通簡要載觀
肅慎廉平某承乏遯方懼封疆之莫副依違下位佐
鞭弭以無能伏願翼主調元相休明於三代登竒羅
彥輔隆盛於九重爰修片簡之辭用效彈冠之慶神
遊劍履心邁河山

賀蔡太宰啓

江西人

明李國祥

望重秉銓定九流之品格譽隆專鏡通四選之權衡

持已無私引人有道宜居機密弘庇粉榆恭惟某官
玄圃植根明河濯秀覓口海岱畫省稱明雅以邁時
懋績旬宣紫薇著惠威而軼世廬山聳連天之峻沔
水澄徹底之清舉扇一揮屏一方之狐兔張網四面
收四海之鳳麟歸美同聲簡在獨注秩近玉帛名覆
金甌某職列下風品同小器分符得郡媿莫效於一
籌奏績及期懼難蓋乎百醜向託安於萬厦今借覆
於二天卯翼不是他門頂踵實非已物用題尺素于
下走聊布寸赤於中涓

賀蔡家宰啓

白南家
宰轉止

明閩士選

天生英傑宰衡先握于南都帝簡忠良銓鏡復移于
北闕天子虛席以待精神將會于一堂百官引領而
瞻甄別聿新于庶府懽騰朝野慶協宮墻恭惟大師
相閣下龍門邁峻鳳穴修儀學洞玄宗心通靈秘胸
藏彩筆一時髦俊先驅口吐天葩千古盟壇雄視抑
華取實植桃李于八閩緯武經文樹藩屏于三楚西
川綱紀今猶凜肅物之風霜東粵滋培久愈慕濟時
之雨露天憲持于獨坐保障盡息鯨鯢人群裕于兼
收品題最宜鶴豹偶因祖宗首善之地玩愒官常故
合國家倚重之臣綜理吏治妍媸必照金陵之殿最

既公涇渭攸司玉陛之弓旌遂動綸音初布輿論咸
歸雖八座尊崇兩地均屬八卿之長而百僚推讓一
班首瞻五位之光操已試之幽明賢人親而奸人遠
究未施之黜陟大臣法而小臣廉清夷之路大開捷
徑之途永塞精神格主行將下久伏廷推正直匡君
斷不滯屢催部擬光明正大追盧李于當年直亮忠
勤符伊周于往日某仰師恩隆重常懷負笈之心懼
明禁森嚴竟阻及門之念愚衷可鑒疏節何辭茲聞
寵命之自天不覺歡欣之無地蓋忠良獨操乎衡鑑
則賢哲皆奮于廟廊何國是之足憂何人心之不正
此惟天下之幸寔非一人之私其平情曷任鼓舞踴
躍之至

賀蔡家宰啓

明陳子貞

聖世重銓衡茂簡首咨乎清望臨軒求岳牧總揆實
在于天卿惟才擅八斗之宏斯位列六卿之長恭惟
臺下兩朝柱石舉南極北斗悉屬秉鈞世載忠勤凡
武緯文經罔非最績蓋惟天生命世應五百之昌期
用能身荷主知佩三千之禮樂茲者帝心簡在特界
冢卿官以天名真如冰鑑無私舉物類妍媸悉由自
照卿以銓別直以鴻鈞獨運凡群品淑慝盡屬栽培

行且陋行儉之知人使岳牧夔龍烝烝皆有道之彥
必將追山公之藻鑑凡附跡先後濟濟盡吉士之英
蓋世道挽回之機而正氣復伸之會也某托桑梓之
舊知已幸藉麻之有日視寵頒之新命深懷芹獻之
末由謹盥一尺之函少展九頓之敬伏祈道隨時泰
慶與秩增廓連茹之途俾東箭南金投棄于幽遐者
一朝盡登于上國開衆正之路使勁羽駿足埋伏於
閭沕者此時悉耀于熙朝則十慶彈冠不徒三德六
德之英荷洪鈞之鑄造且世登有道將見億年萬年
之曆享國祚於靈長統祈鑒原曷勝雀躍

賀吏部正堂啓

明劉國縉

聖主敷求一德權衡禮樂之宗元臣晉長六卿提挈
英雄之殼中外拭目朝野傾心恭惟大師相閣下乾
坤正氣鄒魯真儒八斗才雄看白雪郢中飛出兩都
賦就驚黃河天上奔來冰霜歷而神完海岱奇而秀
毓半腔顛血人謂唐庭田舍翁三策忠肝自憐漢殿
江都相輿情推服時望益歸遂開憲府于中原一代
允文允武旋總度支于北闕九邊足食足兵軍國倚
平章書陋馬遷之平準動定關宗社志勤公旦之憂
危雖道氣孤高未諧俗好而生平骨鯁終簡帝心謂

臨軒課績之時非冢卿無以昭黜陟而推轂主計之
任須台鑑可以辯賢奸輔星光動紫微新命恩銜丹
鳳小廉大法九重倚重如山民部銓曹雙印平懸似
斗正茅茹彙征之日其地天交泰之期伏念某江左
迂儒螭頭小吏謬膺兩河之使激揚私淑流風忽聞
五位之綸手足莫禁忤舞非徒一人私慶實係四海
公歡敢借物而引寸丹韻頌效前庭之賀燕敬戒官
而齋尺素謳吟同雨後之鳴蛙惟冀淵涵幸寬輶賸
伏願勲益崇于舟楫鹽梅卷瀾馮于百千萬億辨真
材于牝牡驪黃之外冀北群空識偽學于是非邪正
之中終南徑塞則容光皆日月之照而僻壤蒙雨露
之恩矣某曷勝激切瞻戀之至

賀冢宰楊虞坡啓

兼謝
聖官

明盧岐嶷

掌八柄以佐一人論道式昭於帝簡統百官而均四
海迓衡允愜乎輿情川岳為之生輝賢愚翕然歸重
恭惟某官秉合一之德應昌期而挺生播吹萬之功
為兆民之繫命孜孜求治體國咸發於中誠休休有
容愛才不啻其口出宥卿特睠末亨玉宇之清寧太
宰隆恩快睹天工之寅亮某猥以委瑣恒被矜憐司
屬微勞過蒙接引未建薄績旋荷超遷既受深知常

圖消報鉛刀器鈍擬一割於吳鉤歎段力微願長鳴
乎蜀坂敢少渝於晚節矢益勵其初心載念上台尊
嚴固難造次而下情眷戀更切瞻依謹摠愚衷爰陳
短狀伏乞尊慈俯垂矜覽

賀萬治齋大宰啓

明何良傳

茲者伏承光膺寵命峻乘國鈞社稷幸甚斯民幸甚
恭惟某官識蘊際天才標名世登庸五十載聞望素
愜於群心炳亮闕三朝忠義久孚於主上南臺總憲
不避九重之威留省秩宗允爲百辟之式久渴爲霖
之望適符賚弼之祥帝簡惟明具瞻允副凡忝士林
皆知慶忭矧居故吏實倍常情某本以朽株叨陪未
屬親承教詔何啻向命耳提得荷陶鎔敢不銘心刻
骨敬因公使敬布下私感幸之誠數陳罔既

賀鄭鳴峴大冢宰啓

明蔡復一

四時運斗官獨稱天六子神乾宰則其冢天惟均之
義冢有統之權能幹父以克家用顓俊而尊帝斯言
自古古與踐者幾何厥難在今今得賢而可頌蓋庸
舍閉於鼎釜則上有未破之疑關臧否滄於盈庭或
下幾倒持之事柄然信君必先乎信已而知言正可
以知人有格人之元龜爲清朝之威鳳群謀未啓八

卦辨其陰陽衆羽咸宗一鳴成其律呂蔽于朕志播
在卷阿凡天爵所以命五章而冢臣所以家四海宜
將蹈周之建官典豈特張楚曰有卿材恭惟其官雅
量涵空精忠貫日三朝耆碩天子之所改容九德惟
恂人倫之所仰表水流不競澹無富貴功名之心山
立難移屹有正君善俗之望遂從宅洛入長文昌甫
拜綸書而大夫國人莫不加額獨孳葵簡而宦官官
妾未始知名從此可不可之衝宸宸待以取決即如
智不智之鑑言路凜其重輕使良璞雪蒙石之寃而
芳草絕化蕭之歎人皆得職勸于官聯國所樹賢施
及奕世抑政事之壞恒舞私智以變 祖宗人物之
衰但競身圖而忘君父必有以醒其初念渙其小群
東爭勝之濤浪而赴之立功化奇險之山谿而歸之
平軌力副昔治官之語實惟公名世之時其役茲蘭
芷之鄉托於門墻之物散材見慶敢嗟蟠木之無先
元氣生春何妨幽谷之獨後

云屏坐春向汝幽谷之隱好

並之微升必門辭之妙如林良夢如製木之無夫
平輝之品昔必言之語實非公各世之制其於茲蘭
東年湖之氣與而故之立也外音劍之山嶽而福之
兼卧靈良圖而法故父必言以顯其既念其小雅
又奕世琳如事之樂則我公皆以變國師宗入涉之

賀尚書再起

代賀孫太宰啓

林下
月起

明董應舉

銓審周官弼成虞哲 聖心求舊蓋簡在之獨深衆
望倚平實甄明之素著時方滌井慶此璋冠恭惟臺
下元精授彩賢業熙天多士多方周公之為太宰克
宅克復立政以又受民既高裴馬之名亦久雲山之
卧碩膚可遜安赤鳥於東山舊物何心復青瓊於前
蹄粵稽在昔孰與比倫崔琰出入十年僅聞清正山
濤前後兩選不免浮沈豈任遇之不隆抑時位之難
配即以我朝家之贊治亦有數君子之持衡端毅端

肅之於 孝皇忠肅文敏之於 英憲莫不流輝寶
鏡吐彩冰壺上結人主之知下壓群公之望然而龜
組一辭雲霄永謝鶴書不再儀羽無期未有優悠林
壑吐納希夷屢蔚師言陰儲 帝眷再引星辰之履
復登品藻之堂永連泰茹益鞏乾符成 聖主之知
人如明公之今日者也其夙被深知欣逢盛事楨周
刈楚已看師濟之風踐斗調階定卜雍熙之治遙申
燕賀豈為鴻私其不任馳戀主臣之至

賀冢宰起復啓

丁憂
再起

明鄭一元

改絃圖善治夙資輔弼之良虓席俟元勳益副倚昆
之助兩宮依賴萬宇均歡恭惟師相閣下天面精忠
家傳粹學是父之有是子匪徒大韋平之世家吾相
之與吾君可謂得伊呂之王佐任重九鰲之負地功
高一柱之擎天退小人進君子迄成去四凶之功弱
私室強公家蓋有墮三都之意師表推高于鶴禁口
名均摠于鴻樞股肱良哉納君德於無過之地羽翼
成矣貽孫謀于有道之長方注意于鹽梅遽悲傳於
風木孝思雖切睿簡允深惟武丁待傳說命朝夕啓
乃心使太宗無玄齡如左右失其手一封新下輝煌
於謙謙終吉之餘四輩齊來督趣於遲遲吾行之頃

欲強謝公之再起共瞻司馬之重來嘉謀謹論周旋
父子一堂之間文德武功維持帝王萬世之業腹心
惟舊體貌加新某委心下地拭目上公識吾道之將
行復觀淳熙之相業知太平之可冀願磨慶曆之詩
歌欣頌惟深揄揚曷旣

賀尚書加恩

賀孫冢宰啓

考滿加
官保

明周光鎬

恭惟台座上台應曜太華稟靈懋德克勤千古人倫
領袖弘恭棊迪四方名教宗型垂紳笏於巖廊儀刑
百辟秉衡鑑於揆席甄敘九流護衆善如植嘉木屏
群邪猶驅害馬分涇別渭水鏡不混於織毫振滯拔
幽銓綜咸絕其蹊徑蓋誠小徃大來之候久著裁成
輔相之功者也茲者恭遇最績之期誕膺當宁之眷
英聲茂實啓事方奏於山公特進匪頒祿秩遂聯於
天老臣工抵肅中外騰歡某才同樗櫟役在韃橐叨

邊寄久荷甄陶違人言曲蒙收錄欣聞殊寵喜切恒
情乃心徒切于鳧趨而跡尚羈于狐塞敬望台階而
稽首聊具竿牘以嗽辭伏願益闡徽猷翫敷玄化決
疑定策載祈上理之臻勒鼎銘鐘永歷中書之考

賀李太宰啓加封三代

明陳价夫

奕奕龍章自九重而下賚煌煌象服緣八座以馳榮
誠天上之殊恩實人間之異數佳音遠播歡頌交馳
恭惟某官嵩岳降靈黃河比笑得天地中和之氣生
圖書會集之邦由諫院而陟銓曹故為天之喉舌歷
外臺而秉鈞軸實乃帝之股肱望重鑑衡功昭彞鼎

權分造化澤遍埏垓躬吐握而不勞以延濟濟多士
吞雲夢以為量何羨休休大臣恭遇 覃恩誕膺特
典以六卿之長被三代之榮維寵望之尊隆見宸衷
之眷注光聯篤祐遭逢豈曰偶然慶叶仁親報稱允
為愜當綸頒紫閣知為啓事之山公履曳彤墀方識
異聲之鄭相某驅馳有職瞻岳徒勞御李無期深悵
龍門之不見識韓雖久終慙燕賀之難申敢畧布其
鄙悅冀少存乎台鑒



賀王尚書壽啓

明李 鼎

天曹鏡朗秩崇六相之先海屋壽添光映群仙之錄
三銓華典百祿駢繁遠服榮分清朝慶溢洪惟閣下
殷圖良弼周鼎碩膚道涵三五星躔氣吞八九雲夢
皎金盤而秋毫在照回玉律而寒谷生輝却例簿以
荐賢寧事貫魚行鴈持正衡以拔雋盡收威鳳祥麟
禮以爲羅人際陽亨之會門懸乎矢天開嶽降之辰
望紫雲於函谷爽氣西來飛綠雪於樽前熏風南阜
乾坤逸以難老宇宙錫之長春某學步邯鄲浪厠名
於桂籍効官吳楚仍借色於薇垣願陪五世之班海

天遙祝佇聽三公之履霖雨宏施其無任云云

賀楊夢山太宰壽啓 端午 明裴應章

朱明協璿律欣臨端午之辰紫氣蒲金臺喜適降申
之日籌添震海星耀離躔恭惟閣下靈鍾泰岱秀毓
滄溟經文緯武兼資純孝至仁咸備曩携裝於東省
丕揚謇諤之風繼擁鉞於西陲懋著安攘之績掌銓
衡而總司百職水鑑無私補袞職而輔弼一人鹽梅
是賴誠三朝之元老一代之儀刑也茲遇繫縷芳辰
懸弧初度身依北闕寧誇海上蓬萊酒近南山自是
人間瑤沼叙百揆而風清畫省泮渙爾遊朋三壽而
表正天臺典刑具存其久荷陶鎔欣逢美盛親丹雘
之北爛莫遂稱觴瞻白雀之南飛徒勤獻曲伏願節
宣元氣葆合太和壽國脉於無疆眷帝心於孔固廟
堂黃耆常膺鳩杖之榮海寓蒼生求睹龍圖之老

賀李對泉家宰壽啓 明盧純臣

首夏凝祥紫氣藹龍躍于八座長天煥彩朱明綿鶴
笑于三台瑞繞燕山歡騰楚海敢望層霄而怵舞謹
隨下里以興歌恭惟大師相閣下延津閱閱淵閣伊
周榮超宮保仙班恩殊九錫特荷絲綸簡命寵冠諸
曹揔銓柄於人群代天言於喉舌主張世道乾坤藉



以清寧藻鏡官方雨露霑然優渥冰心電矚九沅慶
崔胤之平衡蟻慕蟬聯萬里快山公之啓事法三光
而先鶴鷺姓名久覆金甌象五岳而首公孤鼎魯需
調玉燭茲逢早夏弧辰願效清朝嵩祝官厨櫻筍八
方獻綺繡之珍錦席官商四座奏鸞凰之曲其門墻
屬吏叨百年相府之恩江海庸流進千歲神仙之酒
載見嗣年干李叟重誇儷美於錢鏗矧懿親托庇干
揚君雅受同官之益而芳誨日承干傳舍真稱別駕
之才挈膽相投乃天賜弟兄于海上彈冠相慶寔心
盟金石于天涯茲爾北征遂臨岐而稽首正當南極

遙對景以颺言

賀朱太宰壽啓

明

恭惟成名弱冠拜秩清銜執簡鑿坡慎先朝之紀錄
揮毫玉署渙當宁之綵綸盡讀中秘書洪鍾待叩歷
陳太平策金鑑高懸鑒別惟公銓鏡有光崔胤薦剡
必審啓事不減山濤惟茲八座耆英允作百僚師表
天生碩輔降元霄五日之前壽祝長春會甲子一巡
之始某情關棗梓壽擬岡陵海上薦蟠桃坐見洪崖
得道禁中傳制草行看潞國平童願百年沛霖雨之
施聽千里穆清風之頌

賀南大宰曾公壽啓

仲春 閏月

明林繼志

恭惟其官精儲智水靜應仁山丹詔自九天周典尊
六曹領袖玄風振千載漢廷看四皓鬚眉喜動龍顏
禧增鶴筭維建卯之月適生申之辰九十東皇添春
光而百二兩間名世來詔命于再三欲避世而又避
人滄波之鷗泛泛偏得名而又得壽紫極之鳳重重
某等擬從燕賀于階前會有鱣祥之使者先申菲敬
貢之槐堂

賀楊夢山太宰壽啓

明裴應章

朱明協璿律欣臨端午之辰紫氣滿金臺曷適降申
之日籌添震海星耀離躔恭惟台座靈鍾泰岱秀毓
滄溟經文緯武無資純孝至仁咸備曩携囊於東省
丕揚蹇諤之風繼擁鉞於西甌懋著安攘之績掌銓
衡而總司百職冰鑑無私補袞職而輔弼一人鹽梅
是賴誠三朝之元老一代之儀刑也茲遇繫縷芳辰
懸弧初度身依 北闕寧誇海上蓬萊酒近南山自
是人間瑤沼敘百揆而風清畫省泮渙爾遊朋三壽
而表正天臺典刑具在某久荷陶鎔欣逢美盛觀丹
霞之非爛莫遂稱觴瞻白鶴之南飛徒勤獻曲伏願
節宣元氣葆合太和壽國脉於無疆眷 帝心於孔

固廟堂黃耆常膺鳩杖之榮海寓蒼生永覩龍圖之
老其無任欣躍祝頌之至

賀王家宰壽啓

明江一山

西岳生申載衍椿齡之慶南宮開宴適臨花甲之周
祥獻春初喜深鄉末恭惟某官兩朝元老五福基圖
績學克明乎元經延譽實收乎珠樹成名弱冠拜秩
絲綸盡讀中秘之書洪鍾待叩歷陳太平之策金鑑
高懸翠幄橫經得講書之三昧青宮毓德進大傅之
兼階鑒別惟公銓鏡有光於崔胤薦劾必審啓事不
減於山濤惟茲八座之耆英允作百僚之師表天生
碩輔降元宵五日之前壽祝長春會甲子一巡之始
其情關桑梓壽擬岡陵海上薦蟠桃坐見洪崖之得
道禁中傳制草行看潞國之平章願百年沛霖雨之
施聽千里穆清風之頌

賀家宰壽啓

明徐大化

帝賚忠良百辟仰儀刑之望天隆明德八荒開壽域
之祥喜溢縉紳光騰朝野恭惟某官乾坤毓秀廬嶽
鍾靈端朝佇以佐雍熙羣工祗肅秉銓衡而清海宇
百度惟貞勛庸已樹乎無前神輦自延于有求茲值

貞元交會之候載臨皇覽初度之辰瑞啓上清共喜
長生奏錄星明南極同欣寶度重華內則壽身以壽
家外則壽民而壽國真逢五百載之昌期茂履億萬
年之泰運也某濫竽遐役跡絆荒陬曝無從寄寸
衷於三祝仰瞻徒切歌咏於九成伏願三壽作朋
黃髮衍岡陵之筭五福時歛彤庭依日月之光介繁
祉于無疆並大椿而難老

賀尚書子登科第

賀楊冢宰子登第啓

明王用汲

恭惟閣下玉韞堯都五鳳啓孕星之瑞璧傳晉產六
龍依捧日之占履槐位之峻崇忠開吐握翊楓宸之
清切眷重解推都上相而布宜民宜人之休擁少王
而光文子文孫之烈功高祐篤誕鍾麟趾之祥德積
慶餘式展鳳毛之麗駒稱千里早承紫禁知名鳥集
五文久擬青錢入選氣冲星象筆華分祿閣之光春
動雲雷墨陣起戰場之色榜魁南省人云才子多才
聲徹北宸帝曰相門有相芝蘭出于麟閣寧馨異常

桃李蔭乎鯉庭娛顏自別地均栖月榮逾列戰鳴珂
望若培風恩布朱輪華轂袍笏承芳嗣錦衣之半臂
箕裘衍茂侈銀艾之十腰某夙傍少微樞趨半為仰
窺太乙健美青藜果爾蟬聯其龜組奚勝雀躍于烏
臺謹束芟芟用陳縷縷切冀福綏黃閣備鼎命之圭
璋道重彤庭錫靈壽之几杖勳勳若若揚紫薇而垂
虹蜺翼翼繩倚紅杏而攀龍鳳

擬賀王太宰公子登科啓

明唐文燦

仄聞旅鴈之傳音遙見神駒之騁步名登桂闕世科
蔚爾流芳效應槐庭家祚昭然積慶蓋自鉅卿持藻
鑑常恢夏屋以容賢因命詰嗣藉陶甄遂奮秋闈而
得雋遊閑公子悉皆踰後於絕塵新銳郎君猶必推
先於首甲從此重光官闈太原之氏族滋昌誠然增
貴人文獲澤之豐庠倍振某居托粉榆之末交聯橋
梓之間得報生歡通言贊喜占盛事近伴浦坂重將
繼冢宰以高楊門訖殊禧遠邁燕山奚啻山諫官而
老實宅

...

...

賀尚書元旦

賀費吏部尚書啓 元旦

宋李廷忠

課歷雷雲步龍躔而頒朔鳴珂禁角尾轡輅以迎春
有開端月之祥實為君子之慶恭惟某官儒珍蘊籍
國棟軒昂提銓筆以檢材清如止水登瑣闥而批敕
忠可回天寵陞八座之聯哀對三陽之福某解龜伊
邇附鳳為榮望泰階之六符尚榆回覲祝首壽之千
載徒切神馳

賀冢宰元旦

賀王冢宰啓

元日

明

卜曆萬年七觀青陽之出震亮天三葉再瞻紫氣之
 回寅開泰初辰履端肇慶恭惟台座幹旋玄化鼓鑄
 太和依玉燭之春雨深桃李揭金莖之日輝及茹茅
 運際龍飛繫望中樞之昂人當虎變具瞻北斗之衡
 龍春自天祥符獻歲新年新朔荷真宰之宅工勝日
 勝時諗上台之戩穀其自惟踈拙夙荷栽培頃銜命
 于西江不忘回首遙瞻輝于北斗尤切傾心敢輸葵
 藿之誠敬上梅羹之祝伏冀壽茲平格永副眷懷

賀冢宰元旦啓

明沈天啓

獻歲發春序屬履端之始香風送暖人欣育物之天
三階呈瑞于彤雲九衢齊向於紫闥恭惟臺下燮理
化元四海景鈞衡之治調和玉燭萬民瞻鼎鉉之輝
栢酒筵開桃符彩煥方睹明良胥慶端逢日月更新
一氣轉鴻鈞允錫蒼生福澤八方開壽域長膺寵眷
休祥某攬轡驅馳澄清之志何補秉旄閩楚竊祿之
愧徒深翹首雲天寸誠遙祝尚祈元老之德與元氣
而竝運敢冀格心之學輔君心而不違謹啓

賀朱太宰啓

元旦

明徐大化

紫氣回春漢舉三朝之夢蒼靈秉序曾開五始之祥
慶洽乾坤光生畿輔恭惟閣下道符元化德合陰陽
裴楷清通無復淹才于天下徐勉公正不私詹事于
門人華光庭循裕之條黜陟在德除崔亮停年之格
殿取惟公崇名高冠于青編令望永光于紫府茲值
履端佳令茂推皇極新恩鋪張太上休徵鼓舞域中
和氣某夙沾渥澤欣同草木以銜恩近望繁祺敬肅
衣冠而拜手拱太華而高峙戩穀永膺炳星日以常
懸期願多願

賀李冢宰元旦啓

元旦

明劉國縉

東皇啓泰乾坤桃李生輝北斗持衡中外簪紳動色
勳高八座慶協百僚恭惟臺下熙朝元老盛世真儒
白雪文章梁苑鄒枚辟易青山理性中原濂洛重光
蚤知清獻鶴隨疑是延津龍起避人焚諫草尚驚左
掖霜飛作翰憶薇垣見說雄藩露覆出將入相由開
府而晉陟公孤先戶後工旋冢卿而望隆師保拔茅
蓮茹弘開衆正之門競捷趨炎永塞群邪之竇適鴻
鈞初轉正陰伏陽長之時矧鳳曆更新尤親賢遠奸
之日瑞氣氤氳如蓋豪傑踴躍彈冠伏念某雕虫末
學珥筆微臣多竦冠義敢謂殿中執法銅肝鐵面深
慚柱後惠文濫竽湯沐之區擗拂皆春風化育翹首
端揆之上明信偕沼沚同將筐篚彛彛竊自附于椒
獻藿葵翼翼惟均賜乎鑒含伏願福祿除舊生新勳
庸駕周軌漢達聰明目坐陋裴行儉知人開誠布公
不數山巨源啓事

賀吏部元旦啓

明董應舉代

東皇發育肇開四序之功冢宰統均次第五官之合
維新魏象翕仰洪鈞恭惟閣下光躋夾日寅懋亮天
受百司歲會之成日惟正治作四海彙征之志與共
亨時遂使震索乘陽初受紫壇之筴龍躔紀候剛隨

蒼陸之規天地之德曰生摠歸調燮上下之交爲泰
永見熙春某叨此觀風坐而改歲鏘珮鷄人之曉遙
想朝元開尊蟻泛之晨有懷獻頌願依大治用殫微

賀吏部楊虞陂正啓

元日

明胡楠

揚清激濁銓部高北斗之名崇正屏邪漢室重東曹
之任仰慕居身楮炫共推啓事山公佩冰入朝衣食
盡捐其美懸衡照物予奪一無所私藻鑑至明銓衡
是賴恭惟某官憲範端臨天曹崇重總百揆之得失
惟允惟明司九官之謨謀其難其慎孤寒不遺夫汲
引樛櫟咸藉以甄陶年格何循德行必先于選舉門
庭無禁私引絕迹于銓延索耦冠倫直言罔屈顧某
識慚辨甲才乏和羹憶昨導水兩淮絲毫無補迺今
總膳四署尸素何堪感遇知榮顧顏增愧冰蘖律已
惟圖報禮于涓涯清白提躬尚冀儆心之萬一茲者
歲履端始候屆春和仁風播鷓鷯之班行行戴德佳
氣鬱鳳凰之地在在沾恩敬曝芹私式申椒頌臨緘
拜手對楮盟心

啓

宜潛疎之無燕歸之言而何謂

以蘇四世正公其財文與未艾酒承百指以圖燕永

恭對其官望重本陣林高當世一執干輝華平之出

密室辨刃且趨主外本對前臺藉秋日賦

介回昌吏滔貫空卷

宋八

賀端午

端午公送北部啓

明董應舉

地臘告期赤靈表慶周官職爵開皇路於朱明玄象

消萌戒微陰於躡躅非特持衡於執秩孰為佐德於

譎薰恭惟 台下氣蘊四時聲揚九夏有心絕惡飲

漢室之鼻羹無意生明湛水心之龍鏡遂能簡孚宅

俊寅贊統均輔成帝顓之良汲用王明之福吏怨而

炎蒸奪氣無勞范質之驅風來而殿閣生涼獨諷公

權之詠人歸玉尺世凜冰壺其等名叨分署味忝沐

蘭羨李泌之獻身步趨莫逮効楚人之貢縷向往彌

文

勤不腆輔儀仰塵崇鑿伏乞 麾存曷勝戀慕

啓集近體卷二十七

類函三十九

東吳俞安期羨長彙編

上饒王嗣經曰常同輯

海鹽劉世教少彝訂定

天官部二

上尚書

上皇甫常伯啓

唐王 勃

龍鑣就路駑駿相懸鵲鏡臨春妍媸自遠亦有飛霜
匝地蘭蕭銜共盡之悲烈火埋罔玉石枹俱焚之慘
然則知音罕嗣流水空存至寶不同荆山有淚君侯
飾揚芻議提獎燕詞白圭成再見之榮黃金定一言

之重鵬颺既接仰雲逕而將趨龍阪可登指星臺而
有望循襟佩德撫事知恩山岳有輕河漢無極

上司列太常伯啓

龍朔中改吏部尚
書爲司列太常伯

唐駱賓王

側聞魯澤祥麟希委質於宣父吳坂逸驥實長鳴於
孫陽是則所貴在乎見知所伸由乎知己故彫其樸
嶧山有半死之桐賞其聲柯亭無永枯之竹伏惟明
常伯公儀天聳幹橫九霄而拓基浸地開源控四紀
而流派自赤文見祉曲阜分帝子之靈紫氣浮山函
谷誕真人之秀本枝百代君子萬年道叶神交黃石

授帝師之略德攸天縱白雲降黃輔之精至若峯秀
學山列三墳而仰止瀾清筆海疏四瀆以朝宗登小
曾之巖辨練光於曳馬臨大吳之國識寶氣於連牛
垂秋實於談叢絢春華於詞苑辯河飛箭激流翻白
馬之津文江散珠圓波救驪龍之穴旣而揆留皇鑒
忠簡帝心奉職春宮爍離光於青殿代工天府明台
曜於紫宸綜理玄風燮諸元氣含暉禮閣皎愛日以
流光散彩文昌映德星而開照若乃識度弘遠器宇
疏通明允篤誠盛業隆於厚土惠和忠肅玄功格於
上天則伊陟謝其緝熙巫咸慙其保乂舉才應器與

士無私水鏡澄華炫金波於靈府冰壺徹鑒朗玉燭
於神機則鄧攸莫際其瀾盧毓罕窺其術故使妍媸
各安其分輕重不失其權五教克敷百揆時敘折衝
千里曾連談笑之功師表一時郭泰人倫之度加以
分庭讓士虛右禮賢片善經心揖仲宣於蔡席一言
合道接然明於鄭階其蓬廬布衣桑樞韋帶忠不聞
于十室學無專于一經退異善交進殊巧宦幸屬乾
坤貞觀烏兔光華嵩山動萬歲之聲德水應千年之
色雖無為光宅欣預比屋之封而有道賤貧耻作歸
田之賦於是竭來甕牖利見金門指帝鄉以望塵赴

長安而就日美芹之秀徒有獻于至尊蟠木之姿誰
為容於左右明公惟幾成務論道經邦一顧之隆駘
足踰於仙鹿片言之重魚目軼於靈蛇庶望顧兔離
箕動薰風於舜海從龍潤礎霈甘雨於堯雲則鱸餘
之魚希振鱗於吳水噍後之豕翻化龜於魯津趨拜
階庭增其水谷

上封尚書啓

唐温庭筠

其迹在泥途居無紹介常思激勵以發湮沈素稟顛
愚夙耽此興因得誅茆絕頂薙草荒田默想勞神冥
搜刻骨遂使崇朝覽鏡壯齒成衰暇日欹冠玄髮變

白妄將蕪菲來貢文明伏遇尚書秉甄藻之權盡搜
羅之道誰言凡拙獲遇恩知華省崇轂廣庭稱獎自
此鄉閭改觀瓦礫生姿雖楚國求才難陪足跡而丘
門託質不負心期一旦推轂貞師渠門錫社顧惟孤
拙頗有依投今者正在窮途將臨獻歲曾無勺水以
化窮鱗俯念歸夷猶憐棄席假劉公之一紙達彼春
卿成季布之千金沾於下士微回咳唾即變昇沈羈
旅多虞窮愁少暇不獲親承師席躬拜行臺輕冒尊
顏伏增惶懼

上吏部胡尚書啓

宋趙璪江

驛騎風馳嘗迎拜牛星之埜龍門天近欣載覲文昌
之輝第雲升泥蟠邈不可親縱蟲鳴螭躍若何相附
念昔得徹堂下之一語辱公小異坐上之千人顧半
生勞夢想以求所知乃一日獲獎借以與其潔倘或
自棄是將疇依恭惟某官四海耆英三代人物綜練
精密始新進少年之不如重厚老成政古者大臣之
若此粵從閭闔之覲自結旒裳之知袞袞諸公未免
乍賢而乍佞堂堂一老莫名爲介以爲通蓋蘊蓄浩
乎其無涯彼功名迫之而弗置進退自得出入三朝
而皆然公忠無私議論萬變而不染比更政瑟荐建

帥撞闕地荆江草木徧沾於雨露武部吏選衣冠再
上於星辰慨言今日之才難重嘆銓曹之法密資格
所限正恐才否之不分人法並行庶幾英俊之獲用
是特闢除授注擬之際抑更論思獻納之忠吾君有
問宰臣有咨詎容無辨君子當進小人當退乃可濟
時矧內外急賢之秋副宵旰側席之意以人報上舍
公其誰天官六卿之最尊暫膺注委斗樞一星之居
首即慶登庸伏念其謫焉迂踈淒其翫麟三舉而收
末第大類斥鷃笑搏鵬之高十年而效一官何啻彌
候騎土牛之誚獨念嘗親于諸老其甘自屏于衆人
頃墜塵埃間與薪粲城春之議共滌氛霧盡散鋤耨
棘矜之群雖厭朱墨之紛紜敢廢丹鉛之點勘憶侍
元戎建牙值燾之日適逢執事過家上冢之時蒙稍
喜其駢儷之詞頓有增於寒暄之氣然馬談以優而
畜竊亦可慚韓子類俳所爲况乎真是但承長者之
假寵特令小子之知歸使饑寒不亂其心尚能卒張
藉之業而聲律無壞其體終可進老泉之文茲偶遇
宋璟掌選之公或可與山濤密啓之數倘在采葺葑
非之列是亦愛養桐櫝之心馬渤牛溲一聽醫門之
佐使鼠肝蠱臂全歸造物之發生

宋景嘗數之公如河與山高密谷之博而并來外種
蘇之業而整幹無對其巒然可載亦泉之文交而
對窮於今小千之賦觀與猶寒不備其以尚指卒
畜辭亦不博韓子賦非也為只平真具也承身首之
喜其趨對之陪賦有辭於寒劍之屐然無精以憂而
示其數不首燕之日國致特事歐家土家之却寒前
棘等之雜難知未畢之餘語難於益之深也則有
與聖聖之問與燕樂對清之端共心於燕燕如也

上吳家宰啓 起南兵部

明唐順之

伏惟明公位冢宰正百官之始適是國家破常格收
異才之期宜有英髦以充啓事如某者器本碌碌強
欲閔俗而病時才已蹉蹉猶闕謹言而信行雖頗習
彎弧操矢矍圃曾侍乎嬉遊 嘗與公同射 本不離數墨尋
行儒林皆謂之迂腐蓋嘗三仕三已拙者之效可知
只有一壑一丘愚公之名堪署况於紛華雖謝矐貌
難肥衰經纔終哀魂未返縱有芹蔬之微念其如蒲
柳之先凋不謂明公起之東阡西陌之編氓職以南
國西樞之屬吏再叨冠帶兼使土風三十年來釋褐



之官頓還舊物公曾爲兵部司官四五百里赴瓜之路恰是本鄉但留都夏卿元稱機務而各司僚屬亦係地方况當海壖兵戈多事之時豈是署郎衰病養閒之日雖鄙人固陋人或信其不求而朽木雕鏤衆得毋曰不可懼塵冰鑑聊布尺書

上宋太宰啓

明林世吉

寰宇具瞻獨立三朝而振彩巖廊選衆特資一德以持衡蓋冢宰夙領袖六卿故聖主用儀刑百辟恩分綸綍慶溢簪紳恭惟某官昂宿儲精嵩神孕瑞炳靈丹穴藻五色以凝輝叶吉黃裳符千年而誕命早通

籍于金閨遂乘驄于烏府貞心瑩白皎乎秋月冰壺正氣峻嶒凜爾歲寒松柏揆留皇鑒忠簡帝心特從計部之斑管陟銓曹之長璇淵遙徹朗玉燭于神機冰鏡高懸炫金波于靈府而且秉公心而造士遠超啓事山濤勵儉節以風僚共擬柴車毛玠萬邦爲憲多士彈冠某誼忝通家身疲執戟波彤雲于函丈曾叨國士之深知望紅日于長安更傲天官之末照茲因鴻便敬肅魚箋伏望早和鹽梅長爲柱石俾槍枋短翮借餘拂于高風涓滴纖鱗沐微霑于鴻浪

上王冢宰啓

明張應泰

都六卿而啓署尊則稱天班三事以持衡平還似水
自昔非人不任於今總德而升欣衆正之途開羨吾
鄉之道泰恭惟某官九苞鳳彩一角麟文蚤擅賦于
靈光旋揚華於上苑度支暨試著馬遷平準之書宗
伯稍移補劉德考功之缺旣膺推轂乃更前茅藻鑒
人倫不數山公之啓巖廊物望寧高裴楷之名荷注
楓宸增榮桑梓某么麼末品偃蹇庸材懷刺長安曾
龍門之再及分符遠邑竟鯉素之雙沈亦勢隔于雲
泥遂影踈于日月敬因瓜代顯效芹將拂拭惟公未
敢托身桃李升沈有命所祈俯念粉榆

上孫冢宰啓

明張應泰

搏九天而刷羽獨羨神鯤班三事而持衡實先振鷺
是並人寰之極寵尤爲聖代之清華孰擅千秋而兼
雙美恭惟某官弼原帝賚生自崧高性慧俱來疑即
前身金粟風神夙徹應知異日石麟筆非夢而成花
文繇心而祭錦三千禮樂驚傳第一仙人五百雲龍
快覩登三喆后書方校而青藜倏映賦欲宣爾白鳳
紛飛是庸闢以門墻乃遂羅乎桃李金甌早覆水鏡
同推洞識群材寧數山公之啓思兼四事大宏姬旦
之忠蓋如是斯不愧科名不微公誰終安社稷以故

鹽梅之望益懸桑梓之情某璫尾寒簷么膺賤品著
書竊有一班之見懷刺竟踈三及之誠當吾世而不
逢遺他年之共笑敢煩尺素願竭寸丹雖鴈鳧不齒
于滄溟而玆碌疇逃于蓋載想謙光之遍覆每三吐
哺三握髮而不辭倘漸衍之可容或一舉手一促足
而何靳堯天引領禹揆盱衡以日爲年何時御李

上宋太宰啓

明李國卿

階峻六曹造曳星辰之履望隆八座寵依日月之光
斗北增崇江南倚怙恭惟某官三朝元老百代偉人
蒼松翠柏丰標威鳳祥麟出處涵養到古人之未到
敷陳言天下之難言却例薄以薦賢寧事貫魚行雁
持正衡以拔俊盡羅逸足上材敘復名賢士有茹連
之慶振疏淹滯人無薪積之嗟分涇渭於九流別蕭
蘭於千里周謹過山公之啓事甄明軼行儉之知人
天官之長六卿暫煩懸鑑人主之論一相佇看覆甌
玉鼎調和其霖潢被某叨依桑梓辱在門牆蚤歲傳
經幸與聞乎五始壯遊訂稅爰徼第於兩闈懼貽名
教之羞矢志官箴之謹第材非利刃理焚有策蹇之
慚而智類挈瓶保赤靡翔鸞之化往憑覆庇粗獲瓦
全嗣聽簸揚恐罹糠汰總之化工覃澤不難發艷藝

於朽株獨冀大造更生可以育豐肌於枯骨倘不斬
霏珠玉寧敢自負甄陶

上太宰蔡老師啓

明姜夔

天生睿喆開萬世之太平人學聖賢接千年之統緒
大道何分於遐邇玄成豈問乎智愚恭惟太宗師閣
下道合古初心同泰始承繼往開來之絕學發斯文
吾道之源頭若決江河如行天日指尼山而示正鵠
有志者事竟成望鄒嶧以定旣依有為者亦若是用
是風聲播乎四遠敦學徧於中原以斯道覺斯民即
狂瞽顛蒙均歸陶鑄以天下為己任縱匹夫匹婦總

屬哀矜文章與性道合而俱妙形神問學與事功偕
而兼該體用蓋舜文周孔既已得其先資而濂洛關
閩不暇駢其後乘矣伏惟念江漢豎儒斬黃晚進抱
一經而作業茫然斯道之津涯終三十以無聞渺矣
吾生之畔岸不得先知之要領誰為後覺之典刑用
此夢寐師模趨亦趨而步亦步仰瞻道化見所見而
聞所聞爰修懇款之詞用表真忱之志伏願山藏海
納俾造物之無棄人雨化露滋見玄功之有生意某
謹云

上蔡太宰啓

明舒曰敬

治均四海元勳冠八座之尊望重百僚太宰列六卿
之長遄登黃閣入相紫宸恭惟某官臺閣規模阿衡
丰度班聯兩禁眼底權量品九流職總四銓胸中藻
鏡照千里不顧一家之哭筆禡貪昏盡搜八表之才
網羅英彥彤庭下詔蚤占玉鼎調羹紫禁傳麻頻聽
金甌覆字王朝碩輔看鹽梅舟楫重頒一代宗工把
燹鼎旂常遍篆某自慙綿力竊揣菲才領引龍門幹
乾樞而轉坤軸委身鳴閣廻日照以覲風光宗社奠
盤石之安士類怙厦屋之庇

代上南冢宰蔡公啓

明許以忠

天府文昌德懋萬邦之憲銓臺政本風清百辟之瞻
山斗名高冠裳慶集恭惟某官命世元勳爽邦碩哲
靈揚彭澤詞流三峽波瀾秀映匡廬壁立千尋氣象
主文衡而齊臬政儒風與吏治交隆司法紀而職銓
權弼教與推賢並著轄薇垣于越國草木回春開豸
府于秦淮鯨鯢屏迹聲聞赫奕將登柱國之三台才
藻清通先掌建邦之六典照范雲之書牘敏若神明
公徐勉之鑒衡止譚風月佇看鴻勛日茂垂竹帛於
周彝駿命天申濟鹽梅於商鼎某猥辱韜鈴于叢邑
辱收溲渟于藥籠負乘徒厯銜珠末效顧微勞罔豎

尚逃三禡之加皆大造所貽寔切二天之慶臨啓遙
瞻伏祈俯察

代上吳冢宰啓

明丘齊雲

恭惟某官鴻望清朝表具瞻於百辟龍從威際懸快
覩於九圍德炳清通工需寅亮鑑流日照普幽滯以
容光衡列星輝隨重輕而得分是以九流式敘而百
度惟貞也某本朽棄之材不登調節之肆貧儉微祿
幸託明時往年捧檄洪都感衛行而周慮濫竿秀泮
愧浪譽之誤聰顧蹄齧夙稟駑駘雖鞭策終難馳驟
繼叨太學祗以具員深知當與濁汰之班詎意苟免

清議之斥職無寸補歲又三更真謂棘胃春榮苔沾
露潤而無補於利物也然敗鼓之皮扁囊猶蓄羸乘
之足管道或諳每顧影以生慚空激心於圖報仰惟
聖神御極賢哲陳謨期業唐虞銘勛鍾鼎赫中興於
傳沃弼嘉靖於殷邦逸勤瞻企塵肩威尊屏肅臨書
無任惶悚

上冢宰蔡老師

考滿

明林繼志

恭惟轉柄斗樞周典居六曹之長持衡天部虞廷考
三載之成賢路慶其得輿士風爲之易轍看星辰之
曳履於桃李而成蹊某金馬碧雞久投荒於萬里銅

童墨綬叨忝竊於三年謬承豸簡崇揚亦由龍光遠
被駑群等爲仙驥不問牝牡驪黃枯肆轉於清波只
在尋常尺寸

上太宰孫公啓

請卹典

明林世吉

巖廊直宰夙資領袖乎六卿柱石具瞻重簡鑑衡乎
百辟快覩正人之登進式占吾道之當亨光溢簪紳
慶貽宗社恭惟某官三朝元老百代儒宗扶輿誕名
世麒麟挺闕里以開祥景運闢貞符龍馬躍河圖而
誕瑞經天緯地獨鍾命世之謀猷茹古涵今蔚負匡
時之學術德器商彝周鼎文章玉瑩盃盃早翮彩于

峩冠侍龍墀而聲鶴蹇謬尋升華于獨座建牙纛而
績茂保釐正色立朝素抱激濁揚清之志直躬守道
每高難進易退之風忠愈結乎主知品彌高乎輿望
東山詔起方聽曳履于彤墀非闕疏辭復訝掛冠于
畫省三仕三已而無愠雅懷戀丘壑煙霞百折百鍊
而愈精勁節挺歲寒松栢蜚英聲于八表標令望于
千秋頃因國是之紛拏復值班聯之缺乏旁求主計
舉朝思昇乎真儒枚卜總銓當宁特咨乎舊德下蒲
輪于魏闕九重鳧藻以騰歡音芝檢于傳巖四海鵲
喧而加額蕪青宮之俊秩羽翼東朝踐紫極之崇班

權衡北斗汰姦頑顛僞又露靄堯衢拔幽枉振孤寒
春生鄒律憲羊羔而崇儉約茂宣毛玠之風茹冰蘖
而勵清修克紹鄧攸之燉運經綸于尊俎共嘉安社
稷之功峙山斗于人文競上得賢臣之頌覆金甌而
登黃閣佇宣拜相之麻和玉燭而贊彤宸行勒銘勲
之竹世吉被褐腐儒倚廬柴骨掃玉扃而資露覆曾
叨矜矜之恩屏滄海而阻雲泥久乏問安之敬茲遇
鴻鈞重秉霖霖雨以福萬方燕賀肅將候門墻而伸
寸悃更竭茹荼之懇惠徼捐麥之仁倘獲貢異數于
九霄俾承鴻造敢不佩明德于百世矢效蛇銜

上南冢宰曾見臺啓

明林世吉

名德重三朝睿眷夙隆于北闕勳華高八座寵恩特
賁于東山慶溢簪紳福貽宗社恭惟某官列緯元精
兩儀正氣千齡應運特發匡廬彭蠡之嘉祥三楚蕃
禧蔚負麴蘖鹽梅之偉望文章命世巍然百代儒宗
節槩于霄屹爾三朝領袖早投歡于魚水遂翹彩于
龍墀位峻司空畫省方咨于定弼秩崇太保青宮復
倚乎亮工雖眷畀之方新而乞歸之屢疏難進易退
每懷高尚之風樂道談經益勵清修之操逍遙三逕
暫尋松菊以怡情眷注九重復下弓旌而召起謂留

京爲豐鎬之地鎮雅俗須仗真儒而冢宰乃銓鏡之
司表群僚用資耆碩丹書遠賁光生八表雲霞赤鳥
高懸重踐九霄台斗快覩正人之彙進式占吾道之
當亨几屬旉幪均叨焜耀世吉爨下焦桐溝中斷木
披雲紫閣誼辱篤乎通家沐露璇霄恩實沾乎奕世
快覩蒲輪之徵起遙瞻荷橐以騰歡仰瀆鴻鈞敢申
燕賀伏願星符煥彩福履崇禧世篤忠貞望聲永昭
于玉陛帝咨調燮姓名佇覆乎金甌

報尚書

報吏部大堂啓司官到任

明董應舉

某樸樵凡材支離病骨苟從祿仕已絕意於榮途勉
守官常顧何心於越錄乃留銓一載而遽遷司績何
功而屢玷突薪前而見徒孰爲先容從爨後以取音
真成異事惟閣下之心深保泰每曲軫於遺遐惟閣
下之道弼王明特勤思於用汲顧此何地可以誤恩
處非其據將爲負乘之羞位不惟賢亦貽知人之累
雖感恩於不意亦撫已而自疑所以首欲并而遲迴
轅且南而待定豈獨重乎其始進蓋將慮及於後艱

忽部劄之臨門即促裝而就道潔身受事敢忘夙夜
之勞畢義酬知行有捐糜之會謹卜月內赴任馳稟
上聞至日躬謝不悉所云

候尚書

候宋冢宰啓

明陳文燭

寰宇具瞻獨立三朝而振彩巖廊選衆特資一德以
持衡蓋冢宰夙領袖六卿故聖主用儀刑百辟恩分
綸綍慶溢簪紳恭惟明公昴宿儲精嵩神孕瑞炳靈
冊穴藻五色以凝輝叶吉黃裳符千年而誕命早通
籍于金閨遂乘驄于烏府貞心瑩白皎乎秋月冰壺
正氣峻嶒凜爾歲寒松柏揆留皇鑒忠簡帝心特從
計部之班晉陟銓曹之長璇淵遙徹朗玉燭於神機
水鏡高懸炫金波于靈府尤且秉公心而造士遠超

啓事山濤勵儉節以風僚共擬柴車毛玠萬邦爲憲
多事彈冠其誼忝通家身慚執戟披彩雲子函丈曾
叨國士之深知望紅日于長安更徵天官之未照茲
因鴻便敬肅魚箋伏望早和鹽梅長爲柱石俾檣枋
短翮借餘拂于高風洎滴纖鱗沐微霑于鴻浪

候冢宰楊公啓

明陸長庚

名世應昌期以出祥鍾濟水之南元寮佐聖主而興
迹奮太山之北階聯八座仰重望于司空位首六卿
親崇勛于太宰恭惟某官持衡 正開誠布公度德
以命官四海頌無私之冰鑑 而善任百職蒙大

造千鈞陶黜陟惟明限年奚取乎崔亮薰猶不爽例
簿却于寇萊登庸之路廣開士慶彈冠而結綬奔競
之風盡斥人思刮垢以磨光行將宅揆于台司詎直
掌銓乎天府某才非製錦豈民牧之能膺政乏鳴琴
懼郡符之莫稱自濫筭五嶺深慙黃霸之功當報政
九重敢擬倪寬之最藉春臺之涵育冀宥愆允荷廣
廈以併幪徒銘方寸質愧中人以下僭陳謝蕪之詞
心懸北斗之南曷已翹勤之念

候南冢宰蔡公啓

明龐時雍

鑑秉仙臺偉望並高乎北斗衡提天府崇階獨峻于

南都永儀百辟之刑大副九重之眷門墻席度廊廟
增輝恭惟某官方今元老自古真儒道脉接西山振
起傳家衣鉢功勳繩學士敬承奕世箕裘力持平反
之公明五刑而弼五教洞燭幽明之隱綜群吏以服
群心彰軌八閩多士起菁莪之頌維藩三楚庶民興
江漢之歌蜀凜蕙訪之嚴霜粵濡承宣之湛露風消
獨坐潛消江海之氛雷赫中司隱伏山林之猛藻鑑
增光于皓月共推行儉居唐甄收咸育于蒼天舉羨
山公在晉百代殊絕人物宜尊八座之先三朝僅見
名臣堪冠六卿之右行趨紫閣立耀丹霄某幸坐春
風沃沾化雨則嘗思效以稱民牧或入室之可期竟
阻型範而廢官常即升堂之未逮上辜君命下負師
恩竊念計與森嚴定擬黜幽之例詎期寵靈呵護終
從使過之條亟圖政事一新免其瘝曠惟賴珠機頻
錫奉以周旋遙望龍光敬修魚素殊切葵寅于鼎鉉
少申芹曝于賁箋

候吏部通用啓

明許以忠

曹署稱天尊在六卿之首衡持若水平孚百辟之心
賢良交慶以彈冠僉佞具瞻而解綬宦途清肅宗社
乂安恭惟某官真儒帝賚完德性生氣嗟奎壁之菁

華望爲玉立胸漾江湖之芳潤唾卽金聲元勛歷著
於王程華秩晉趨於文部上星辰而聽履望登官儀
指風月以聚談私無賓謁批肝啓事增崇八座之筆
囊照膽知人迥別三千之刀尺蓋捧紫泥而頒金鏡
業膺異數於清朝將趣銀信而步沙堤佇拜新除於
黃閣矣其桑蓬下品蒲柳窳材謬玷京銜愧郎潛而
無狀獨徼厦庇承親愛以有加顧負鈞陶自貽麾遣
跡隨萍梗飄流東海之波心託葵花傾向長安之日
循典免班於計吏尤緘敬候乎司閤伏冀台慈俯垂
昭鑒

過江西候蔡家宰老師啓

明林繼志

恭惟老師兩間正氣百代儒宗轉柄銓衡劔履居六
曹之長主盟洛社琴尊洽五老之遊春常滿於桃溪
望尚懸於槐路此蒼生篤東山之慕紫氣干北斗以
南也其海甸微生門墻下士時事如此羨梅福之棄
職入山闕里在茲喜仲堯之聚書設帳因欲假緣而
負笈遂至踰歲而猶羈睽違莫甚於此時結戀曷能
而自已

西荆蔡景幸未和啓

田林繼志

謝尚書

謝鄭尚書啓

唐羅隱

某啓某聞鄭思農之東去絳紗感深吾道謝記室之
西辭朱邱戀切所知雖定名之分則殊而懷德之心
不異其有栖羸樂廐養病醫門海鷺辭巢卽摧萍影
林鳥繞樹忽軫蓬心又安得下棄席於詩人感崩波
於行客某也風塵下物天地中材光逸門寒無因自
進楊雄口吃徒欲解嘲屬者尚書置驛恩寬敦風志
大孔文舉之于元禮旣忝登門徐孺子之謁陳蕃俄
蒙下榻淹延館宇荏苒春秋稻梁有異於他人觴豆

時陪於上客那言此際遽愴離聲背重德於丘山揖
紅塵于道路緬懷今日杳不勝情加以貢部傷心名
場落羽獸因鬪困羊以多亡前瞻既倦於吹蓬內顧
徒悲於求劍昔也來暫賦雪謬稱梁苑之游今則去
類乞師已抱秦庭之哭倚征輪而悵望指斷鞅以夷
猶尚書倘或仙客壺中旁均日月山公啓裏別借篇
題無令一葉先秋遂對滿堂垂泣捨此丹須九轉桃
指千年天也如何時乎不再

謝陳尚書啓

舉白代

宋呂祖謙

伏准照牒舉充自代者奏入宸闈當拔豪英之萃名
傳朝路乃收固陋之尤共疑鑒裁之明尚有毫釐之
誤竊以略函封牘削之誠而求士欵昵之外置門掃
階趨之素而垂情藹慢之中在古所難于今殆絕矧
列顧問論思之地而統雋髦肅艾之盟前席後車皆
一時之盛選東阡西陌多昔歲之雅游曷此需章逮
于賤迹論舊則未嘗識面度德則無所取材過而舉
之必有謂矣如某者少雖志古長未知方繞斷簡以
自封曉崇墉而坐隔弭節燕居之日固願循墻鳴珂
法從之辰豈忘投贄始則以孱懦自薄終則以疵賤
自嫌閱日月於丘樊迄參辰於屏著縱不獲譴斯焉

取知曾謂未承警款之音屢借齒牙之論重濡薦墨
俯漑枯荻燕馬非生聊示受奇之意晉貂難續更懷
代匱之慙佩寵既隆循涯以懼此蓋伏遇某官提衡
清議推轂群儒遜于稷遜于夔蓋憲虞朝之盛不如
農不如圃乃形闕里之謙內切揣量若為稱塞其謹
當益堅拙守毋廢初心博求師友之親力探典墳之
賾深惟公舉本非私謝之時獨有直躬必答曲成之
賜

謝當路啓

時湖湘
運使

宋陳傅良

備數監臨缺然補報陞華愧運益不自安靖惟厚幸
之由端有裏言之助伏念某庸疎已甚迂濶矣堪少
所為燈火之謀止不過稻梁之利偶緣場屋之困嘗
錄於宗工遂免州縣之勞寢升于臚仕今已過望他
無覲心凡其竊祿以妨賢特以便私而畢志不圖殘
枿晚多雨露之恩所恨罷駑終乏風沙之力矧湖湘
之重為江漢之衝宜得通才以膺隆委顧職在辦護
則有遲鈍不及事之憂誼當激揚則有姑息以愛人
之患持是書生之短責其吏事之能處非其宜懷以
為懼伏惟某官言為國是志與人同苟聞有時輩之
名則取作朝廷之用乃加愛蓄尤切吹噓某敢不知

所感興勉其偷惰雖無補秋毫之具安能及人

謝吏部賀尚書啓

起復應天
有尹可采

宋人

支郡分麾方飲冰而就道陪京易地旋出綽以示恩
伏念某早造周行久聯法從主恩未報自驚蒲柳之
衰家難遠纏徒抱栢圈之慕逮祥琴之甫御嗟藥棘
之僅存逝將歸老於山林何意尋憐於旒宸甫憑熊
軾俄昇麟符豈伊謫薄之姿堪此頻煩之寵茲蓋伏
遇某官儒林宿望禁路老成瑣闥高論駁之稱銓部
著清明之効紬圖書於石室冠講讀於金華視君如
腹心屢罄加猷之告相王為左右即聞大政之咨衆
賢咸賴於主盟朽質亦叨於推轂某敢不布宣德意
安靖兵民雖愧齊侯政亟成於五月尚追嚴助計可
奉於三年感幸居多喻言笑既

謝陳尚書啓

宋文天祥

耕綿負耒方私室之省愆使楚乘輶忽公朝之錫命
既履朱維而陳臬亟瞻紫橐以脩辭伏念某學極支
離情惟骯髒宿昌黎之南斗自嘆我辰事元亮之西
疇每懷前路撫陳編而慷慨恍初服之流離題柱而
乘駟車不量已力叱馭而馳九坂徒負壯心山川尚
有於鬼神草木自全於霜露迹已陳於芻狗影屢落

於杯蛇一壑白雲十年流水當元會彰綸於日月乃
一朝移綉於波濤血指創深貼羞巧匠折肱痛定莫
詭良醫請東方之粟以闕俞為南冠之囚而趣載周
爰伊始汜濟柰何起觀今日之重湖正抵北風之一
面曹劇之戰長勺或云察魯獄之初孔明之駐臨蒸
正在破荆賊之後歛聞風而興起凜受命於艱難茲
蓋恭遇某官大呂黃鍾元圭拱璧天章閣之論事行
展經綸古靈臺之薦賢不遺氣類遂令起廢復忝司
平某敢不激厲新知濯磨舊玷沐浴蓬萊之風露昭
蘇蘅芷之江山皇帝清問何擇非人願言奉教王事
靡盬不遑將母儻遂陳情歸倚意長數宣咏短

謝李尚書啓

宋方岳

將指軺軒殊負錦游之愧露章橐座有華袞字之褒
其知我哉莫累公否若稽前哲深感盛心介為時論
所宣雅見推於永叔軾陷深文之久獨受薦於景仁
蓋深知從古之為難而衆惡非賢之莫察豈特接連
於氣類固將扶植於孤危伏念某質弱氣卑才凡識
闇少也處鄉黨之際但見恂恂老而仕朝廷之間亦
非諤諤徒以處得言之職冒而犯不韙之愆竝游吐
舌以相驚旁觀揺手以為諱天王明聖何難亮佛骨

之忠人言沸騰皆欲抵鬼薪之罰一朝沙汰四署山
囚兢兢然畏威敢怒之懷孳孳焉省躬補過之義雖
石猶生我何所病諸而臆能污人誰與比者曾謂近
臣之病口顧先遠士之危蹤力不勝衣自爲剛毅學
僅識字品以深醇乃若忠良之褒尤非鄙拙所稱尚
衆議之未息何時論之交歸欲俎豆予可謂取人之
勇不瑕疵汝得無乖俗之嫌誦妙語之吹噓起懦衷
之激烈茲蓋伏遇某官道先民覺學通聖涯緒論微
言衣鉢關河之派高文大冊箕裘匱室之儲慨念時
賢誰同心事向來論建惟閩蜀之人多爾後擠排幾
嶺海之福作特借妄言之士用章不諱之仁論思之
選清華安用此物春秋之志微顯實攬我心其旣入
品題敬求攀附未應泯默銘宥坐之銅人尚賴飭脩
望南都之鐵漢過此以往莫知所裁

聖朝時之盛也此以并其味而味

品與始末攀州未期其淵望守坐之隨入尚其
與素華安用此其春林之志雖其質雖其以其到入
高武之辭其其言之士其華不其六二論思之

謝楊太宰啓

時起福建督學

明王世懋

恭惟太宰相公門下以忠孝大節結三聖之知以文
武全才為六卿之長勛名想見乎麟閣士庶願出於
龍門其受才無所短長秉性粗知止足耦耕田父無
士子之師之才際遇山公有故人之弟之雅既煩啓
事謂其可教諸生復損移書勗之不俟終日遂使松
蘿僻好感恩顧而遽捐蒲柳衰姿沐陽和而頓起省
循自愧報稱為艱惟有為天子而作人庶可酬宰衡
之知己守朝廷之勅法莫可情于挽閩粵之頽風請
以身始敬顯一介遠獻空函

謝太宰啓陸太僕卿

明錢士完

恭惟某官淵源家學袞冕世臣蓋天下之達尊三公
 寧他遜故太宰之典司六帝曰汝諧起蒲駕於東山
 陟薇垣於北極在頽波紛靡之後既常堅砥柱而不
 迴適衆論噂沓之餘自能懸衡鑑而無爽若鎔大冶
 精金頑礫之各分如庀群材細楠巨宋之皆得是九
 流即敘百揆疇庸直將共伊傅比肩何但與馬裴接
 武念某甚愚且拙多病早衰幸竊惠於桐鄉獲承暉
 於芸閣豈乏蚍蜉之援可以躋攀終其麋鹿之遊宜
 于恬退忽微榮轉孰是恩除雖云盤根錯節之難為
 猶或熟路輕車之可試深惟稱塞勉自激昂清擬歐
 陽軟寒泉于六一勤摹郭展孳駉牝于三千誠愧丈
 人厚而知丈人真幸垂曲賜庶幾得國士遇而圖國
 士報

謝冢宰啓代父作

明馮琦

某原非世資尚乘人乏備真巡徼從事和戎乃緣九
 市之成再承恩紀遂於三年之內兩晉官階人皆謂
 分量之已逾職亦知陞遷之太驟終難稱塞遂至顛
 隳何期茹納於台垣復見明揚於廷議上有知己何
 下吏之敢辭後無曠官庶前愆之可補爰從下里出

守南州治未效於烹鮮官敢希于攬轡永言疇昔重
為關塞之遊技自沈淪益識陶埏之厚雲天在望覆
載惟均既奉簡書敢違與寢顧瞻秦隴當群黎凋瘵
之餘聯接洮河正襍虜往來之路鴻鴈之哀鳴載道
犬羊之變詐多端猥以沈滯之才處此艱難之任彌
切守官之懼恐孤使過之仁敢不勉竭庸愚仰酬知
遇體朝廷之德意奉廊廟之謨謀庶幾遠依槐棘之
陰或可近責桑榆之效

謝楊吏部啓 布政到任

明顧其志

鳳掖飛綸誤辱屏藩之寄螭頭錫命深叨拔擢之恩

感切由中歡生望外手額奏記踵頂銜書恭惟某官
柱石金閨鹽梅玉鼎備四時之元氣總一代之提衡
甄別群工寶鑑冰壺畢照採掄多士棖題梁棟兼收
對紅藥之翻堦春濃八座佩紫囊而簪筆光映三垣
士路彈冠倖門絕履沐一天化雨爭妍桃李無偏際
萬籟秋風借翼鸞鳩有地凡在帡幪之下均承陶鑄
之私某識不通方又馳驅于桑海學未成道徒尸素
乎薇垣自度猥庸分當顯斥顧雅荷上台之庇遂謬
膺左轄之司餐瓊液而泝仙源敢忘瀛海藉清輝而
垂末照喜見春光歡溢伸眉感深刻腑燕雲萬里常

拱北斗以徘徊闕嶠一方每拜下風而竦企其敢不
益加淬勵以求無負生成凡此有生之年類皆圖報
之日也謹于某月某日履任理應具啓稱謝願言樾
蔭永切葵心

謝蔡家宰啓

明沈國良

千尋在望夙瞻斗極之光一剗見貽驚拜鼎彝之重
顧凡材思奮罔非借力于扶搖即群品在鎔實乃藉
資於陶冶况南國尤為咫尺而仁風更篤敢依祗具
蟻忱聊充野獻恭惟某官熙朝龍輔画省鴻儀彩筆
生花瑞奮廬山之秀清標冠玉光凝彭澤之紋魏科

蚤掇干騫騰巨邑遂膺于敷歷昔晷花封製錦循良宇
內無雙今衡鑑當樞譽望銓曹第一百僚徼任以欽
承多士彈冠而相慶驪黃牝牡暫資藻鑑于彤霄密
勿樞機佇荷鹽梅于紫府如其者儻材無當弱植靡
交涉世如鷦之托枝服官若魚之上竹幸蒙二天之
庇先施一顧之榮芳華久捧雲端侈盈尺壁赫蹠遲
通宇下為結寸心祗緣奔走馬牛以致闊踈魚鴈茲
挹歷陽之勺薄采芹芽遙望天際之霞少紓樸悃蓬
心不次淵量為涵

謝李家宰啓

明丘齊雲

恭惟日鑑懸空萬彙冒貞明之照星衡定次四時位
式敘之司故九流既秩則庶績咸熙此海內咏歌聖
明而仰弼翊鼓舞大化而沐治安也某猥分庸材誤
承郢斲昔垂翅于瘴鄉敢云自天造命載急援于兵
境實惟置腹推心但職贊辟雍須才俊又濫名清秩
顧影殊慙必期清白以遺安少報驪黃之忘色時天
狼有耀海疆未馴道路肅爾警嚴文憑淹然留滯及
茲逾夏猶未戒行尚俟抵官別當馳報

為張大參謝李太宰啓

代三

明馬朴

冢宰佐王統百官而建典大君有命承三錫以邀靈

非藉殊知曷叨異數莫酬块比無垠之造聊徂葵蕪
不斐之辭竊以懋德懋官馭貴古尊乎人爵出綸出
綽疇庸世重夫王言蓋上操以厲世磨鈍之資而下
侈為顯親揚名之事祇承休命大是寵光然天液恩
波近水之鳩鸞易沐上林湛露遠天之鳧雁難霑即
普率邁不世之奇值熙朝覃非時之慶顧年資幸及
或牽于奏最之書勛望雖隆又格于陟明之候况三
品恩疏三世逮祖考以偕榮自九霄光賁九泉為子
孫之至願么曆何德敢希宸渥之褒崇邁會有緣實
伏台慈之甄敘恭惟某官河馬圖靈津龍劍氣負濟

時之偉畧經以詩書挺命世之瓌材瑩為主璧射策
瀉天人之學宣猷翔草木之名絃歌其民繩糾其君
歷險夷而一致旬宣於藩明弼於臬備文武之兼資
出鎮三齊東省保釐奠海岱入參八座中朝勛勳耀
旂常地卿攝綱紀之權灌輸借算天子重銓衡之寄
簡在賜環簡要類裴楷不負甄才之譽雅亮如毛玠
遂收易俗之功饋餉不通家有空庭而牧馬請求盡
謝門無彈缺以歌魚朝論翕然蔚爾棘槐之望鄉評
藉甚殷其桑梓之情如某者通籍餘二十年心力雖
殫于中外抱關凡三四載毫毛奚補於後先方虞素

食之貽譏何幸紫泥之錫誥階從豸繡制出鸞文號
渙明庭三葉輝騰於宗祏字榮華袞五花祥動于庭
闈有隕自天孰爲之地使我畢一生之願報公誓九
死之甘是用瀝誠以明鏤德伏願二十四考長教龜
鶴以羨年千百斯男頻使熊羆之入夢

其爲感頌
未罄鋪茶

謝冢宰啓

明馮琦代

伏念某本以虛庸中遭棄置仰荷拂拭復在使令屬
當秦隴之間存值旱蝗之歲邊圉救荒之策未舉二
三朝廷使過之仁寧酬萬一敢徼福於失馬之後寧
望遷於得隴之餘何期敘進之明恩謬及踈迹之下

吏三更歲籥兩拜除書山川無改於昔游章服忽同
於舊秩况小子既叨塵於侍從乃甲職復參列于藩
維父子並陟榮途頂踵皆歸大造念楓宸之簡命本
筌宰之甄收于藩于宣盡是銜恩之地盖高盖厚未
知報德之年惟冀永耀台符茂膺帝眷鹽梅麴蘖治
平長賴於燮和保障繭絲趨向尚煩於指示

代監司謝太宰啓

給山

明趙秉忠

恭惟明公道凝真宰筦天樞百辟之瞻象表文昌叶
皇圖九流之敘風清水鑑彈指而傾屬衣冠月瑩氷
壺題目而汰澄軒冕二萬負之考覈較若衡懸六十

案之科聯劃若刃解故使白檀車却士移毛玠之貞
黃紙帽高才照薛綜之讓度豈浮沈可量恩寧嗔咲
可窺其楚峽孤踪湘波委蛻際鳳巢之會幸接騫鵬
戴鼇極之尊危深賀燕榮遇慶叨乎金紫消埃未啓
乎圭玄螭陞奏敷恭聽幽明之命鶴廳簿計祗當棄
取之衡服秉奚補于七襄肇錫自惟其三褫猥逢甄
錄俾率典常僂俛鴻行寸朽已披丹牘徘徊雁序纖
藻亦拂光華倘窺後效之分毫敢忘明德于萬一茲
者肅心十日慚嗽黃絹之詞滌慮趨風覲于青萍之
色伏祈恩垂末照惠潤餘波啓霜匣以吹鴻毛釋雲

鑣而策驥尾則楊環豈忘于雀躍孔印奚假于龜靈

謝吳太宰啓

明丘雲齊

恭惟某官鴻望著清朝表具瞻于百辟龍從當盛際
懸朗鑒于九圍德炳清通權參簡要隨輕重而定分
普幽滯以耀光某本成朽棄之材不登雕飾之肆職
無寸補歲又三更敗鼓之皮扁囊猶蓄羸乘之足管
道或諳每顧影以生慙空激心於圖報

謝南銓部啓

陸四川參政

明曹學佺

某為郎十載誠負罪之在躬藉庇二天乃循資而調
去舊恩未報新政無聞秦鑑當空固妍媸其莫遁益
州多事豈利鈍之逆知厚德愛人成終若成始緬懷
知已在蜀猶在吳矣

謝王吏部啓

明顧璘

脫叔向之囚入朝誰託登山公之啓在野奚堪竊念
某少縈簪組繆許同心脫隔泥塗倏云白首詎意簿
書之末技尚勞衡鑑之兼收老馬識途幸見憐於管
仲舊劍出土敢終負於張華

謝孫冢宰啓

明陳經濟

山岳出雲小草亦潤大賢廣被微才必收故秦誓表
其休休周詩頌其濟濟恭惟某官首秉國鈞風動海

宇恢大綱而羅細類挽熱物而濯清波士類彈冠民
庶帖席某久沈山澤之癯遽秉節鉞之任感恩知自
俯已懷慚辨通國之匡章罔疑眾口起居家之蘇軾
獨斷一心誓步迂愚期全晚末求無孤於任使尚可
計於驅馳

謝梁太守啓

明唐文燦

恭惟某官畿輔擅英省曹推重方總樞柄運安邊安
國之猷遂膺鑑衡贊馭吏馭臣之典蓋本兵曹掌邦
政以均四海而必優矧司馬亦辨官才于敘九流乎
何有疇咨允愜師錫咸孚某瞻範武閣受知最舊托

陶文部藉庇尤新特獻萃戩聊攄素悃縉紳歸領袖
欣冢卿獨冠仙班黼黻布經綸喜元老長恢相業

謝蔡冢宰啓

公貽疏草紫花布蒲鞋葛巾雄黃杯

明林繼志

恭惟壽星見於文江天下大老卿月輝於闕里洞裏
神仙恭申三祝之辭薦芹不受忽枉十朋之寵疏草
為頒惠單裕以紫花製成三三春服結芒鞋於瑤草
踏破六六雲山邁上巳之佳辰分清川之宴樂葛巾
漉酒况有紫霞之杯蘭楔行春雅遂零風之詠凡茲
逾涯之寵皆貽過分之慙尚借旋馬之階除少循序
鶴而舞蹈

左傳卷四


伏惟某官朝端八座暫怡逸興于東山魁下三星忽
照餘光于下邑山川生色肝膈銜恩第咫尺仙居欲
效掃門之役助勩俗案莫申執御之懷乃塵先施益
深內訟顧曠瘵萬狀謬加獎借之辭竊忸怩一心實
切皈依之想謹對仵而拜命容顏役以叩閣臨諸神
馳伏惟台鑒

回尚書

回謝啓

明許以忠

伏惟某官朝端八座暫怡逸興于東山魁下三星忽
照餘光于下邑山川生色肝膈銜恩第咫尺仙居欲
效掃門之役助勩俗案莫申執御之懷乃塵先施益
深內訟顧曠瘵萬狀謬加獎借之辭竊忸怩一心實
切皈依之想謹對仵而拜命容顏役以叩閣臨諸神
馳伏惟台鑒



卷五

三十一

三五

